

Market

Chronixx

Yeah Man

Yeah

After mi carry mi baby madda guh a market

Mi seh, me and mi baby madda guh a market

Ehe

Play by the king love is all I bring

Jah man

Mi carry mi baby madda guh ah market

Mi seh me and mi baby madda guh a market

She seh fi drop a pound a pumpkin in the basket

Pick up some roses and she tek up couple chocolate

She nuh wah fi guh nuh walmart and she nuh wah guh nuh target

Seh she wah di natty dread fi carry her guh a market

Stretch fi couple vegetable tell me seh she want it

Baby girl ah wah fi tek some picture with di artist

The Market looking like a stone love party

Everybody stand up at dem favourite stall

One man a chop di jelly nedda one a sell carpet

Some a dem a hustle likkle art and craft

Same time Elaine a try fi sell mi avocado

Di empress touch it and a seh it feel too soft

Lord mi seh mi glad me and mi empress in the market

'Cause she know the type a supm weh she wah

She touch mi pon mi shoulder softly and a show me Ms. Margerie

Seh she has some pretty callaloo and Swiss chard

But when mi check a stock and see di money weh she charge mi

Jah man to how shock mi nearly run guh a mi yaad

Mama this is triple what you charged me in the past

She blame it pon inflation and a tell mi time hard

Lord mi seh no wonder why di people dem starving

Nuh wonder why di farmer man a ball

Mi cry

Peel cane man I beg you peel some more

Peel fi di rich and you appeal fi di poor

Honorable mr Chronixx you di people adore

Grab up di microphone weh many drop pon di floor

Mi get di beat midnight mi DJ till 4

5 o clock mi never sleep nor snore

6 o clock mi have lyrics in store

Sunrise me DJ some more

More

More

Mi seh easy natty dread yuh done seh it's the original Chronixx from Spanish town Jamaica

And we a seh lyrics in stock

And we a seh big up to all farmers, seen

And big respect to all original DJ, seen

Nicodemus anyweh yuh deh inna di galaxy seen

And we seh big up doctor early b, seen

And we seh burro banton nuh seh a word

And we seh big respect fi di legendary super cat, seen

Cho man

Mi and mi baby madda guh a chiri bi bang
Mi and mi baby madda guh a, rip it again
Mi and mi baby madda guh a, rip it
Mi and mi baby madda guh a oooo

Na na na

Na na na

Na na na na

Na na na na

Stop it please

Dem patent di breed den feminize di seeds

Weaponize disease

Then guh cut down di trees

Still mi empress a pattern some herbal tea

Some a tea bag, di rest a dem a loose leaf

Chamomile petals mi neva loose sleep

Ginseng kick in, rastaman a bruce lee

Empty your mind and becomes like Qi

Dem seh farmers nuh special, dem special to me

Who a seh dem rough, Dem nuh rough like

Men a seh dem tough, dem nuh tough like we

Carry di family up to di mountain peak

Me and Kyanite gone guh pick lychee

Rade soursop and we rade lime tree

Some yellow heart breadfruit weh roast and sweet

Now dem a seh di ital cuisine nice ee

Must the seasoning and di coconut cream

Dem a seh di best tings in life are free

Gluten-free dairy free. Aye

Carry mi baby madd guh a

Rip it again